

ՀԱՅՐԵՆԱԴԱՐՁ ԳԻՏՆԱԿԱՆՆԵՐԸ

Սովետական Հայաստանում, ինչպես բոլոր քաղաքացիների, այնպես էլ հայրենադարձ հայերի համար ստեղծվել են կրթության և գիտության մեջ խորանալու լավագույն հնարավորությունները: Այդ առթիվ Հայկական ՍՍՌ Գիտությունների ակադեմիայի թղթակից-անդամ, բիոլոգիական գիտությունների դոկտոր Մկրտիչ Տեր-Կարապետյանը մեր թղթակցի հետ ունեցած զրույցի ժամանակ ասաց.

— Ոչ մի տեղ գիտական աշխատողը ստեղծագործական աշխատանքի այնքան լայն հնարավորություններով և նյութական այնքան բարենպաստ պայմաններով չի ապահովված, որքան մեր սովետական Հայրենիքում:

Հայկական ՍՍՌ Գիտությունների ակադեմիան հիմնադրման օրից ունեցել է իր ասպիրանտուրան, որտեղ աճեցվել են գիտական կադրեր՝ գիտության տարբեր բնագավառների համար: Մեր ակադեմիան ներկայումս ունի 100 ստացիոնար և արտադրությունից շփույթ 72 ասպիրանտներ: Այդ թվում կան 14 հայրենադարձներ, որոնք բոլորն էլ գրեթե Հայրենիքում Պետական համալսարանը կամ ինստիտուտները գերազանցության դիպլոմով ավարտած և ուսման մեջ բացառիկ ընդունակություններ ցուցաբերած երիտասարդներ են:


Պողոս Սվաջյանը 1947 թվականին Եգիպտոսից Հայրենիք վերադառնալով, ընդունվեց Ակադեմիայի Կենդանաբանական ինստիտուտում որպես կրտսեր գիտական աշխատող: Չանցած մի տարի, Սվաջյանը հաջողությամբ պաշտպանեց «Բիլհարցիոզ տարածող խրխուճանների բիոլոգիան և անատոմիան» թեմայով իր դիսերտացիոն աշխատանքը և ստացավ բիոլոգիական գիտությունների թեկնածուի աստիճան: Այժմ նա ավագ գիտական աշխատող է: Հայաստանի անասնապահական շրջաններում և Երևանի կենդանաբանական այգում կենդանիների առողջության պահպանման պրակտիկ աշխատանքներին համընթաց Սվաջյանն այս վերջին տարիներս կատարել է նաև նոր գիտա-հետազոտական որոնումներ և հասել կոնկրետ արդյունքների: Արդեն շարադրել է «Գյուղատնտեսական կենդանիների դիկրոցելիոզը և պայքարը նրա դեմ» թեմայով դոկտորական դիսերտացիան:

Իրանից հայրենիք եկած Ռաֆիկ Առաքելյանը 1947 թվականին ընդունվեց Ակադեմիայի ասպիրանտուրան՝ գեոլոգիական գիտությունների գծով: Հայաստանի ակադեմիայի իսկական անդամ Կ. Պաֆենհոլցի ղեկավարությամբ Առաքելյանը գրեց իր դիսերտացիոն աշխատանքը և 1950 թվականին պաշտպանելով այն՝ ստացավ գեոլոգիական գիտությունների թեկնածուի աստիճան: Այժմ նա աշխատելով Գեոլոգիայի ինստիտուտում որպես ավագ գիտական աշխատող՝ իր գիտելիքներն ու եռանդը իսպաս է դնում հայրենի գիտու-

թյան զարգացմանը: Առաքելյանը տարիների համառ և հետևողական աշխատանքից հետո, ՍՍՌԿ Գիտությունների ակադեմիայի թղթակից անդամ Միս. Վարենցովի ղեկավարությամբ պատրաստել է դոկտորական դիսերտացիա՝ «Հայաստանի պալեոզոյան նստվածքը» թեմայով:

Հայրենադարձներ Գևորգ Եղյանը, Տիրան Քրմոյանը, Հակոբ Թրյանցը, Վարդան Թեմուրջյանը և ուրիշներ արդեն ստացել են գիտական աստիճան և աշխատում են ակադեմիայի համապատասխան սեկտորներում, գրում են նոր աշխատություններ: Օրինակ Վարդան Թեմուրջյանը գրել է երկու աշխատություն՝ «Գամբրի պատմա-ազգագրական ուսումնասիրությունը» և «Հայաստանի տեքստիլ արդյունաբերության աշխատողների կենցաղն ու կուլտուրան» և այժմ աշխատում է «Անասնապահությունը Հայաստանում՝ հնագույն շրջաններից մինչև մեր օրերը» նյութի վրա:

• Լիրանանից Հայրենիք վերադարձած, Գիտությունների ակադեմիայի փիլիսոփայության սեկտորի կրտսեր գիտական աշխատող Գասպար Գասպարյանը գրել է դիսերտացիոն աշխատանք՝ «Գալուստ Կոստանյանի



Բիոլոգիական գիտությունների թեկնածու Պողոս Սվաջյանը
լաբորատորիայում
Биологические науки
БИБЛИОТЕКА
СССР
им. В. И. Ленина
Տոտո՝ Ա. Զալալյանի



Պատմական գիտությունների բեկնածու Վարդան Թեմուրջյան:
Յոտո՝ Ա. Զալալյանի

Նկարիչ Առաքել Պատրիկը արվեստանոցում՝ աշխատանքի ժամանակ:



փիլիսոփայական հայացքները» թեմայով: Իր գիտերասացիայից բացի, Գասպարյանը շարադրել է մի շարք այլ աշխատություններ. «Անդր-ամերիկյան ուսուցիչների փիլիսոփայությունը», «Անդր-ամերիկյան ուսուցիչների փիլիսոփայությունը», որից մի հատված լույս է տեսել ակադեմիայի գիտական տեղեկագրում, «Դաշնակցական իդեոլոգիայի սնանկությունը» (10 մամուլի ծավալով, անտիպ), «ԺՊ դարի արևմտահայ պրոգրեսիվ միտքը» (30 մամուլ); որից խտացված մի ընդհանուր ակնարկ շուտով լույս կտեսնի «Սովետական ժողովուրդների փիլիսոփայության պատմության քառահատորյակում (ոուսերեն):

Յոթերորդ տարին է, ահա, որ ակադեմիային կից Հայաստանի Պատմական թանգարանում որպես զծագրիչ-նկարիչ աշխատում է Եգիպտոսից ներգաղթած նկարիչ-գրող Առաքել Պատրիկը: Բացի իր առօրյա աշխատանքներից, Պատրիկը պատրաստել է նաև Կ. Ղաֆաղարյանի «Դվին քաղաքը և նրա պեղումները» պատմահնարանական աշխատության շափագրված զծագրերն ու վարդանկարները, ստեղծել է Դվինի կենտրոնական թաղի վերակազմության ուշագրավ նկարը, որը ցուցադրվում է Պատմական թանգարանում: Ակադեմիայի Արեղյանի անվան Գրականության ինստիտուտի կողմից պատրաստված «Հայ գրականության պատմություն» ձեռնարկներում եղած հայ գրողների, գրչակների զգալի մասը Պատրիկի գործերն են: Պատրիկի աշխատությունն է դարձյալ Նաղաշ-Հովնաթանի նկարների ռեստավրացիան (գունավոր), որը հրատարակվել է նկարիչ-աշուղին նվիրված հատորում: Այժմ նա պատրաստում է «Հայկական տարազի պատմություն» թեմայով մի սովոր հատոր սեփական տեքստով, նկարներով ու զծագրություններով:

Բացի վերոհիշյալ ավագ և կրտսեր գիտաշխատողներից, ակադեմիայի սիստեմում որպես բիրտգրաֆ, դրագարանավար, մեքենագրող, մեխանիկ-տեխնիկ և այլ պաշտոններում աշխատում են մի քանի տասնյակ հայրենադարձներ: Նրանք բոլորն էլ ստանում են բավարար աշխատավարձ և տնտեսապես ապահովված են: Ահա, օրինակ, 1948 թվականին Եգիպտոսից Հայրենիք եկած երիտասարդ Հարություն Մեքերյանը, որը սովորում է Պետական համալսարանի ֆիլոլոգիական ֆակուլտետի գրագարանային բաժնում և շուտով կավարտի: Նա նպատակ ունի դառնալու ասպիրանտ, գիտությունների թեկնածու, դոկտոր: Ինչո՞ւ չէ, բոլոր հնարավորությունները կան մեզ մոտ այդպիսի առաջընթացի համար: Հարությունը կատարում է նաև հասարակական եռուն աշխատանք:

— Սովետական Հայաստանում, — ասաց իր դրույցի վերջում գիտնականը, մարդիկ դափնինների վրա չեն հանգստանում, կյանքից ետ չեն մնում: Ընդհանուր առաջխաղացք օրինաչափություն է մեզ մոտ: Նրանք իրենց ջանքերը չեն խնայում, որպեսզի մեր մեծ Հայրենիքի առաջատար գիտությունը էլ ավելի ծաղկի:

ՀԱԿՈՐ ԱՐԱՄՅԱՆ